



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Disputationum Ludwellianarvm Secvnda**

**Malcomesius, Johann Richard  
Schmoll, Wilhelm Bernhard**

**Giessæ Hassorvm, 1666**

Tit. V. De Statu hominum.

**urn:nbn:de:hbz:466:1-35925**

## TIT. V. De Statu hominum.

Omne jus quo utimur.) Dd. nostri nō uno modo hæc Caji verba interpretantur, Nā duar. i. disp. 55. hunc sensum putat quōd nulla juris pars, nullus contractus, nullum negotium sit in quo non hi tres loci concurrant. Connan. lib. 3. comm. 1. putat, actionum verbo, hic non actiones forenses sive judicia, sed facta & dicta hominū intelligi, verū uterq; facile refellitur ex ipsa methodo tā π. quam I. ubi separatim hæc tria capita explicantur: *De jure & stat. personarum, de rebus & de actionibus sive judiciis*. Verus ergo sensus est, tria summa juris capita esse quæ non concurrant, sed à se invicem distincta & separata sint, ut rectè Giphān ad §. fin. l. de I. N. G. & C. (a)

N. 1.

*Status hominis*) Distinguit statum hominis à dignitate, & statum ad eam conditionem restringit, in qua quisque nascitur & ab origine quasi stat; quod idem facit Connan. d. l. comm. 1. n. 2. Sed nimis angustis terminis uterque statum hominis includere videtur. Nam in genere status nihil aliud est quam qualitas & conditio hominis, ut rectè Zaf. in π. h. t. n. 2. Isq; vel publicus vel privatus: Publicus est dignitatis & honorum l. 5. ff. de extra. cogn. de quo hic sermo nobis non est. Privatus cōprehendit Jura libertatis, patriæ potestatis, tutelæ, curationis, servitutis &c. & status hominis in specie dicitur, ut in hac rubr. Nec obst. l. f. ff. de Cap. min. l. 14. ff. de Rebus cred. l. 11. ff. qui testā. Nā status appellatio nō nonnunquam strictissime accipitur pro jure liberi hominis, quod & caput civile, & per capitis diminutionē mutari dicitur. l. 1. ff. & l. de cap. dim. Quamvis in posterioribus duabus ll. status appellatio fortassis nō male in stricto & sensu proprio accipi potest. Illud hic notandū, qui hic status hominis dicitur, in Inst. jus personarū appellari l. 2. & 3. ff. h. t. Add. Donel. 2. comm. 9. qui hæc duo tanquam causam & effectum differre putat. (b)

*A naturamutabimur*) Rectè ait: mutuabimur, quia hæc divisio Ictor. propria non est, sed quoties ea indigent aliunde eam mutantur. Add. Vult. ad §. 1. l. de l. Perf. n. 4. (c)

*Etiamsi matri*) De conciliatione l. 14. h. t. cum l. 135. de V. S. add. gl. ad d. l. 14. Pac. cent. 1. quest. 25. Et Aru. ad ff. disp. 1. th. 14. Treutl. d. d. 2. th. 5. G. H. & Suevium ad t. de V. S. (d)

N. 3.

Porro

Porro qui adhuc) Qui in utero sunt pro jam natis habentur, quoties de ipsorum commodo agitur l.7.l.26.ff.h.t.l.231.ff.de V. S. alias verò nō profunt l.15.ff.h.t. & l.2.§.6.ff.de excusat. iur. gl. ad d.l.26. Habetur autē pro jã natis fictione juris secundū Dd. cōm. quos notat Arū. d. disp. 1. th. 13 sed nescio, an rationib9 satis firmis: cum & fictio nonnunquã plus operari soleat quã veritas arg. l.15. ff. de Acq. her. & quæ in favorem alicuius introducta, non debent in ejusdem odium torqueri. l.25. ff. de LL. & l.6. C. cod. (e)

N. 4.

Servi à servando) Ant. Fab. in jurispr. Pap. tit. 5. pr. 1. Imperatorem & Cros reprehendit, servosque à serviendo dictos existimat. Scalig. à Græca voce ἑσβος, quod famulum significat, citante eum Bach. ad Tr. disp. 2. th. 3. lit. A. Verum illorum rationes tanti non sunt, ut ab autoritate Imperatoris propterea recedere debeamus. (f)

Neque personam) Imo & servi in jure nostro recte personæ dicuntur pr. Inst. d. I. personar. l. 2. & 3. ff. de stat. hom. pr. I. & l. 1. ff. de his qui sui vel. alien. juris. l. 215. ff. de V. S. l. 22. de R. l. & passim. Errat igitur Vult. & alii qui personam definiunt hominē habentē caput civile. Nã personã hoc in loco simpliciter ipsū hominē designare, aut ejus qualitatem ex alleg. tex. manifestissimum est. Quãvis interdum & strictè pro qualitate civis sive capite civili accipi non negemus ut in l. 31. ff. de hered. inst. l. 5. ff. de servit. leg. l. 82. §. 2. ff. de leg. 2. pr. Inst. de stip. serv. cum simil. dn. Ungep. d. ex. 2. q. 10. Bachov. ad Tr. d. D. 2. th. 2. lit. b. (g)

N. 5.

Quod ante tantum) Justinianus omnibus manumissis eandem naturam & jus civitatis dedit, ut patet ex §. fin. I. de Libertin. l. 1. C. de Lat. lib. toll. l. 1. C. de dedit. lib. toll. His oppon. l. 71. ff. h. t. ad quam recte respondet A. eam de ingenuis non de libertinis loqui, Nov. 78. c. fin. ibique Cujac. & 4. O. 5. Adde Don. 2. comm. 16. & Ant. Fab. in I. P. d. 5. pr. 3. illat. 9. pr. 2. illat. 1. Proinde falsa est vulgata lectio, quæ pro orbe Romano legit urbe Romana. (h)

